

Глас 7

Стихирный напев:

Чередование колен: ||:1,2:||закл. Мелодия во 2 голосе

сокращенный киевский распев

1 2

Го-спо-ди, воззвах к Те-бе, у-слы-ши мя, у-слы-ши мя, Го-спо-ди,

1 2

Го-спо-ди, воззвах к Те-бе, у-слы-ши мя, во-нми гла-су мо-ле-ни-я мо-е-

1 закл.* /

го. вне-гда воз-зва-ти ми к Те-бе, у-слы-ши мя, Го - спо-ди.

1 2 1

Да ис-пра-ви-тся мо-ли-тва мо-я, я - ко кадило пред То-бо-ю, во-зде-

2 закл.* /

я - ни - е ру-ку мо-е - ю, же-ртва ве-че-рня-я, у-слы-ши мя, Го - спо-ди.

* / мелким шрифтом дан вариант гармонизации.

Запевы на "Господи воззвах":

На 10: Изведи из
темницы душу мою

ис-поведати-ся и - ме - ни Тво - е - му.

Мене ждут праведницы

дон - де - же воз - да - - - - си мне.

На 8: Из глубины
воззвах к Тебе, Господи,

Го-спо-ди, у - слы - ши глас мой.

Да будут уши Твои

вне-млю-ще гла - су мо - ле - ни - я мо - е - го.

На 6: Аще беззакония
назриши Господи,
Господи, кто постоит,

я - ко у Те - бе о - чи - ще - ни - е есть.

Имене ради Твоего потерпе-
пех Тя, Господи, потерпе
душа моя в слово Твое,

у-пова душа мо - я на Го - спо - да.

Глас 7

На 4: От стражи
утренняя до ночи,
от стражи утренняя,



да уповаеТ И-зра-иль на Го - - спо - да.

Яко у Господа
милость и многое
у Него избавление,



и Той избавит Израиля от всех без-за-ко-ний е-го.

Хвалите Господа
все языцы,



по-хва-ли-те Е-го все лю- - - ди-е.

Яко утвердися
милость Его на нас,



и ис-ти-на Го-спо-дня пре-бы-ва-ет во век.



Сла-ва Отцу и Сыну и Свя-то-му Ду - - - ху.



и ныне и присно и во ве-ки ве-ков, а-минь.

Глас 7

Запевы на стиховне воскресные:

Господь воцарися,
в ле - по - ту об - ле - че - ся.



Ибо утверди вселенную,
я - же не по - дви - жи - тся.



Дому Твоему подобает
святыня, Господи,
в до - лго - ту дний.



вседневные:

К Тебе возведох очи мои, Жи-
вущему на небеси. Се, яко очи
раб в руку господий своих, яко
очи рабыни в руку госпожи сво-
ея, тако очи наши ко Господу
Богу нашему,

дон-де-же у - щед - - - рит ны.



Помилуй нас, Господи, помилуй
нас, яко по многу исполнихомся
уничужения: наипаче наполнися
душа наша поношения гобзующих,

и у-ни-чи-же - ни - я гор - дых.



Стихи́ры воскресе́сны на «Го́споди воззва́х»

Прииди́те, возра́дуемъ Го́сподеви, / сокруши́вшему сме́рти
 держа́ву, / и просвети́вшему челове́ческий род, / со безплот-
 ными зову́ще: // Соде́телю и Спа́се наш, сла́ва Тебе́.

2. Крест претерпе́л еси́ Спа́се, / и погребе́ние нас ра́ди, /
 сме́ртию же я́ко Бог сме́рть умертви́л еси́. / Те́мже покланя́емся
 тридне́вному воскресе́нию Твоему́: // Го́споди, сла́ва Тебе́.

3. Апосто́ли ви́девше воскресе́ние Соде́теля, чудя́хуся, / пою́ще
 хвалу́ А́нгельскую: / сия́ сла́ва есть церко́вная, / сие́ богатство
 Ца́рствия: // пострада́вый нас ра́ди, Го́споди, сла́ва Тебе́.

4. А́ще и ят был еси́ Христе́ от беззако́нных мужей, / но Ты
 ми еси́ Бог, и не постыжду́ся; / биен был еси́ по плеще́ма,
 не отмета́юся; / на Кресте́ пригвожде́н был еси́, и не таю́; /
 воста́нием Твои́м хвалю́ся: / сме́рть бо Твоя́ живо́т мой, //
 Всеси́льне и Человеколю́бче Го́споди, сла́ва Тебе́.

5. Дави́дское проро́чество исполня́ Христос, / вели́чие
 в Сионе́ Своё учени́ком откры́л есть, / хвали́ма показу́я Себе́, /
 и сла́вима при́сно со Отце́м же и Ду́хом Святы́м: / пер́вее у́бо
 безплотна́, я́ко Сло́ва, / последи́ же нас ра́ди воплоще́на, / и
 умерщвле́на я́ко челове́ка, и воскресе́ша со вла́стию, // я́ко Че-
 ловеколю́бца.

Слава, и ныне, Богороди́чен: Ма́ти у́бо позна́лся еси́, па́че
 естества́, Богороди́це, / пребыла́ же еси́ Де́ва, па́че сло́ва и
 ра́зума: / и чудесе́ Рожде́ства Твоего́ сказа́ти язы́к не мо́жет. /
 Пресла́вну бо су́щу зача́тию Чи́стая, / непости́жен есть
 о́браз рожде́ния: / иде́же бо хо́щет Бог, побежда́ется естества́
 чин. / Те́мже Тя вси, Ма́терь Бо́жию ве́дуще, / мо́лим Ти ся
 приле́жно, // моли́ спастися душа́м на́шим.

Запевы на хвалитех:

На 6: Сотворити
в них суд написан:

сла-ва сия бу-дет всем пре - по - доб - ным Е - го.

Хвалите Бога
во святых Его

хва-лите Его во у - тве - рже - ни - и си - лы Е - го.

На 4: Хвалите
Его на силах Его:

хва-лите Его по мно-же-ству ве - ли - че-стви-я Е - го.

Хвалите Его во
гласе трубнем,

хва-лите Его во пса-лти - ри и гу - слех.

Хвалите Его в
тимпане и лице,

хва-лите Его во стру-нах и ор - га - не.

Хвалите Его в кимвалех
доброгласных, хвалите
Его в кимвалех
восклицания.

Вся-кое дыхание да хва-лит Го - спо - да.

Запевы на стиховне:

Исполнимся завтра милости Твоея,
Господи, и возрадовахомся, и возве-
селихомся: во вся дни наша возвесе-
лихомся, за дни, в ня же смирил ны
еси, лета, в ня же видехом злая. И
призри на рабы Твоя, и на дела Твоя

и на-ста-ви сы - ны их.

И буди светлость Господа
Бога нашего на нас, и дела
рук наших исправи на нас,

и де-ло рук на - ших ис - пра - ви.